



Sindikat Uprave za indirektno/neizravno oporezivanje

Синдикат Управе за индиректно опорезивање

Broj: 45/9-04/21

Datum: 06.05.2021. godine

VIJEĆE MINISTARA BIH I HERCEGOVINA
n/r gdn. Zoran Tegeltija, predsjedavajući

PRIMILNO: 06-05-2021			
Organizacija jedinica	Klasifikacioni oznaka	Redni broj	Broj prijema

PREDMET: NAJAVA ŠTRAJKA, dostavlja se

Sindikat Uprave za indirektno – neizravno oporezivanje obratio Vam se aktom broj: 42/9-03/21 od 15.03.2021. godine, sa svim spornim pitanjima i obrazloženjem konkretnih zahtjeva, pozivajući se na Zakon o štrajku zaposlenih u institucijama Bosne i Hercegovine („Službeni glasnik BiH“, br: 41/16, u daljem tekstu: Zakon), a u vezi s članom 7. stav 2. Pravilnika o organizovanju štrajka u Upravi za indirektno – neizravno oporezivanje, broj: 42/2-05/20 od 10.07.2020.godine (u daljem tekstu: Pravilnik).

Kako po predmetnom aktu niste odgovorili u roku od 15 dana, Sindikat UINO donio je Odluku o imenovanju štrajkačkog odbora, broj: 20/1-03/21 od 31.03.2021.godine, a **Skupština Sindikata UINO je, na sjednici održanoj dana 22.04.2021.godine donijela odluku o stupanju u štrajk.**

S tim u vezi Sindikat UINO ovim pismenim obraćanjem najavljuje štrajk, u skladu s članom 13. stav 1. i 2. Zakona, te traži rješavanje sljedećih spornih pitanja:

- Vraćanje osnovice za obračun plaća zaposlenih u UINO na iznos 498,10 KM iz 2012.godine**, uz napomenu da Sindikat pokazuje ogromno razumijevanje na trenutne okolnosti i zbog pojave korona virusa ne traži vraćanje osnovice na 535,00 KM koliko je iznosila 2008.godine. S tim u vezi **u narednoj 2022.godini očekujemo povećanje izdvajanja od indirketnih poreza za budžet institucija na državnom nivou za najmanje 15%, uz tendenciju da ubuduće povećanje plaća zaposlenih u UINO procentualno prati rast prihoda, odnosno rast prosječne neto plaće u BiH.**
- Ispravku diskriminirajuće Odluke Vijeća ministara BiH o načinu i postupku ostvarivanja prava zaposlenih u institucijama Bosne i Hercegovine na troškove smještaja, naknadu za odvojeni život i naknadu za privremeno raspoređivanje** ("Službeni glasnik BiH", br. 42/12, 78/12, 51/13 i 68/18). Postojećom Odlukom Vijeće ministara omogućilo je ostvarivanje ovih prava isključivo rukovodećim kadrovima Uprave za indirektno-neizravno oporezivanje, dok je ostale zaposlene diskriminirala i uskratila im ova prava (član 9. i 10. Odluke).
- HITNU izradu novog Zakona o plaćama i naknadama u institucijama Bosne i Hercegovine**, („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17, 25/18 i 32/20), gdje bi se:
 - 3.1 zbog specifičnosti u radu, od ostalih zaposlenika u institucijama Bosne i Hercegovine izdvojili zaposleni u Upravi za indirektno-neizravno oporezivanje, te**
 - 3.2 revidirali koeficijenti i platni razredi zaposlenih u UINO, pri čemu bi bilo neophodno utvrditi realne koeficijente za iste.**

4. **Otpočinjanje postupka KOLEKTIVNOG PREGOVARANJA** (uz napomenu da smo jedina zemlja u okruženju koja na državnom nivou nema Kolektivni ugovor). **S tim u vezi ukazujemo da su reprezentativni sindikati ispunili sve zakonom propisane obaveze, donijeli tražene punomoći za članove ostalih reprezentativnih sindikata u Pregovaračkom timu, te smatamo da su ispunjene sve pretpostavke za otvaranje postupka kolektivnog pregovaranja o zaključenju Kolektivnog ugovora za zaposlene u institucijama BiH.**

U skladu sa odredbama člana 9. Zakona i člana 7. Pravilnika predlažemo sporazumno mirno rješavanje navedenih spornih pitanja, pri čemu ste se dužni pismeno očitovati i imenovati Vaše predstavnike u Vijeće za mirno rješavanje spora, kako definiše član 10. stav 2. Zakona i član 8. Pravilnika.

Vaš odgovor očekujemo najkasnije u roku od 15 dana.

S poštovanjem,



Dostavljeno:

- Naslovu,
- DirektorU UINO, dr. Miro Džakula,
- a/a